



Arubaanse Courant

Anja 25

DIABIERNE 13 MAART 1964

No. 4987.

Apuntes Editorial CONFERENCIA CU PRENSA

Gezaghebber O.S. Henriquez par-se ta di acuerdo den hopi senti-do, pa restableci e contacto en-tre gobierno y prensa cu a bai perdi. Na su regreso for di su biba importante pa Israel, Hulanda y Estados Unidos Diarazon anochi ultimo, el a declara di lo duna B.C. un rapport di subiaha, y cu e lo tene un conferencia cu Prensa. Ta claro cu Gezaghebber tin deseo di informa pueblo di Aruba tan pronto posibel tocante di e deliberacionnan importante - cual el a tene y e decisionnan importante cu kizas por ta e resultado. Cu el a escohe prensa como e medio pa duna e noticia na e pueblo di Aruba tan pronto posibel tocante di e delibera-cionnan importante cual e a escohe prensa como e medio pa duna e noticia na e pueblo di e isla aki ta un satisfaccion pa nos. Esaki ta manera di mas niohor y democratico.

Segun ta worde spera e confe-rencia di prensa lo worde duna cuminsamento di otro siman, y cu henter B.C. lo ta presente. Segun ta muestra ta worde spera ariba e benida di ministro Petronia y diputado Tromp premier cu cuminsa cu tratamiento di e asunto. Na december di anja pasa Gezaghebber a declara den un reunion publico di Eilands-raad di ta di acuerdo pa cada luna tene un conferencia entre prensa y B.C., algo cu te na mas o menos siete anja pasa tabata un custumber masha apresia pa prensa, esaki a worde bisa door di Gezaghebber.

Despues di un pregunta tocante di esaki door di e miembro di Eilandsraad, Senor Finck. Ta di spera cu pronto B.C. lo dicidi di cuminsa cu e conferencianan aki di prensa atrobe. Ta un bon cus-tumber den paisnan democratico pa regularmente tene conferen-cianan di prensa pa declara e po-litica y decisionan of pa duna in-formacion tocante di nan. Door cu representantenan di prensa tam-be ta haci nan preguntanan a go-bierno ta resulta un intercambio di pregunta y contesta den tur dos direccion, loke ta asina ne-cesario pa funcionamiento di un bon gobierno.

Nos ta bisa esaki asina: otro-nan a formula esaki otro: Fran-klín D. Roosevelt dia 2 di no-vember 1938:

"A free press is essential to us as a people and to the main-tenance of our form of government. That is an axiom from which no thoughtful person will dissent". John F. Kennedy dia 17 December 1962:

"There is a terrific disad-vantage not to have the abrasive quality of the press applied to you daily, to an administration, even though we never like it, and even though we wish they didn't write it and even though we disapprove, there isn't any doubt that we could not do the job all in a free society without a very, very active press".

Esun cu studia historia di e pais-nan democratico lo descubri, cu e forma aki di gobernacion ta

UNION SOVIETICO TA CONFIRMA INTERCEPTACION DI RB-66

MOSCU, 13 maart - Gobierno Sovietico a parti-cipa, cu e avion Mericano cu a cai ayera riba territorio di Alemania Oriental a worde tumba riba territorio di e pais ey.

Gobierno Sovietico a protesta serca Merca contra loke e ta yama vuelo di reconocementu. Den un nota entrega na e encargado Mericano di nego-cios Walter Stoessel, ministerio ruso di exterior ta declara cu e avion mericano di e tipo RB-66 a cai den sercania di e ciudad Gardelegen a consecuencia di un accion di avionnan ruso di caza.

Embajada Mericana na Moscu a participa, cu Stoessel a rechaza e pretencion cu e avion tabata haci un vuelo di spionaje. Stoessel a laga e ministerio Ruso di exterior sa cu e avion tabata haci un vuelo di ejercicio, y cu pa equivocacion el a cambia di su rumbo y penetra den espacio aereo di Alemania Oriental.

E hecho cu esaki a sosode, ta worde deplora. Pero e encargad-do mericano di negocios a pro-testa contra e actitud mucho purá di e forsanan militar Ruso.

E restunan di e avion meri-cano cu parce ayera a worde tum-ba riba territorio di Alemania Oriental a worde haya den un hofi en sercania di e lugar Amelan Gardelegen.

Den circulon diplomático na Wiesbaden a worde declara cu e Rusonan a priminti di lo haci un investigacion di e posibilidad di regreso di e tres miembronan di tripulacion di e avion.

Pero nan no a menciona ningun palabra tocante destino di e tres hombernan.

Un portavoz di e embajada me-ricano a confirma e noticia cu a mira con tres homber a bando-na e avion cu paracaida, pero el a ninga di participa fuente di e noticia.

Un mucha di school a participa e corresponsal di e agencia no-ticiario "Reuter" cu un di e

aviadornan mericano a baha den un palu cu su paracaida y a worde herida. E herido a worde trasladado pa un hospital na Gar-delegen.

E mucha a declara cu el a mira

con un avion di caza a acerca e avion mericano di patras y a tira.

E avion mericano a pega na candela prome cu el yega suela.

E tripulantenan a bandona e avion y e di tres a bula algu despues.

El a tende cu dos di nan a worde cohe presu.

Otro habitantenan di e pueblo a duna relatonan igual di e inci-dente.

E general mericano Freeman, a pidi pa si encaso e miembro-man di tripulacion dje RB-66 ta herida y no por biaha, duna e funcionarionan mericano opor-tunidad di bin yuda e bishita e personanan relaciona. E mision militar mericano na Berlin O-riental entre tantu a manda tres grupo di observador pe lugar caminda e avion inesepta ta,



Gezaghebber O.S. Henriquez, kende a caba di yega Aruba for di su biaha pa Israel, Hulanda y Estados Unidos. Fuera di muestra di satisfaccion cu Gezaghebber a bolbe cu ne for di su biaha largo, e tabatin tambe un sombre cu a hala hopi atencion na su yegada diarazon anochi.



SABOR CU NUNCA TA
VARIA

IT NEVER VARIES.

GEZAGHEBBER A REGRESA ARUBA

ORANJESTAD, 13 maart.- Dia-razon anochi banda di diez or a regresa Aruba, Gezaghebber O.S. Henriquez, despues di un biaha di algun siman cual a hiba Israel, Hulanda y New York, caminda of su so of acompaña pa diputado F.J. Tromp y ministro E.O. Pe-tronia tabatin deliberacionan di servicio. Fuera di su famia cu a contre na aeropuerto despues cu el a abaha for di e avion di KLM, tabata presente tambe pa saludé deputadonan I.S. de Cuba y G.A. Oduer, alavez secretario di ter-ritorio insular senor L.C.M. Kerstens. Y Luchthavenmeester C. Heemskerk.

Naturalmente Gezaghebber Hen-riquez kende a bolbe for di su biaha acompaña pa un sombre cu a hala hopi atencion diarazon a-nochi, tabata tin hopi di conta.

Den un entrevista cortico nosta-batin cu senor Henriquez, el a declara di ta sumamente satis-fecho di su biaha pa Israel, Hu-landa y tambe New York. Segun su declaracion e deliberacionan cual e hunto cu sea diputado Tromp of ministro Petronia de e cu instancianan den paisnan menciona, ta muestra di lo ta fructuosa pa Aruba. Gezagheb-ber a bisa di tin hopi informa-cion pa duna pero antes cu esey e kier duna rapport di su biaha na BC, despues di cual e ta spe-ra di tin un conferencia cu prensa.

Comite di damas Bolivariana ta yuda Petronilla Willems

Los Llaneros ta yuda comite

MACUARIMA, 13 maart - E biuda Petronilla Willems di Macuarima 43 -A, cu a worde bisa door di DOW pa laga drecha su cas cual ta casi cai aden tan pronto posibel of laga bashe abao, por conta ariba yudanza.

E comite di damas di Sociedad Bolivariana, cu anteriormente a yuda señora Maria Jack di San Nicolas rapidamente ora cu su cas a kima completo door di candela, a dicidi pa percura cu señora Willems no tin nodi di sali for di su cas. Contratista Isidro Lopez entretanto a acepta e peticion di e comite di damas pa haci e reparacionan necesario.

Na cierto momento e caso aki tabata uno di hopi interes. D.O.W. mira e peligro serio di caimento den otro di e cas cual ta traha na anja 1908. Y e señora biuda di edad avanza siguramente kier a obedece loke el a worde ordena door di e servicio pa basha e cas abao of laga dreche rapidamente, pero e ni tabatin e medionan pa ningun di dos. Tur cos tabata muestra cu Petronilla Willems lo ta esun cu lo sali victima di esaki... te ora cu un persona cu a corda e caso di señora Jack a tuma contact cu señora A.G. Walfenzao, presidenta di e comite di Damas ya menciona.

Esaki den principio mesora tabata cla pa yuda, pero tampoco tabatin e medionan. Pero manera un milager a bin un resolucion den forma di un persona desconoci cu algun dia despues a entrega un cheque di Fl. 3,200,- na e comite di damas. Diadomingo

go tur e damanan a bai tira un bista serca señora Willems. E dificultadnan di e biuda a worde constata di ta di tal forma, cu a worde dicidi pa cuminsa cu yudanza rapidamente y mas intensivo. E contratista Isidro Lopez mes ora tabata di acuerdo pa haci reparacionnan y algun boluntario di Santa Cruz, entre cual un yiu homber di e biuda, a ofrece nan servicio spontaneamente pa asina tene e gastonan di reparacion tanto abao posibel. Segun ta worde spera dentro di corto señor Lopez lo cuminsa cu drechamento di e cas.

INTERES

Entre tanto ta muestra cu e iniciativa nobo di e comite di Damas ta inspirando otro pa duna yudanza. Un desconocido di Tanki Leendert a entrega na un di e cobradornan di Arubaanse Courant un suma di 15 florin pa drechamento di e cas na Macua-

rima. Tambe señora Walfenzao a hanja bishita di señornan E-frain Kelly y Milo Muyale di e conhunto "Los Lalaneros", kedenan a ofrece yudanza di e conhunto cu algun presentacion di cual e suma cu lo worde colecta lo ta completamente pa e comite di Damas. E shownan lo tugar na Trappers Club, Centro Juvenil Tanki Leendert y Paradera, respectivamente ariba dia tres, cuatro y cinco di April venidero. E comite di Damas ta spera di hanja mas yudanza voluntario for di otro nan cu trabao, material y placa. Mas hende yuda, mas hende por worde yuda cu ta den mester.

D. Mathew a presta huramento

ORANJESTAD, 13 Maart. - Ayera tardi cuator señor D. Mathew a haci huramento como e di cinco deputado den e actual Bestuurscollege. E huramento di señor Mathew a tuma lugar den presencia di e deputadonan I.S. de Cuba, A. Falconi, y G.A. Oduber. Tambe tabata presente e secretario di teritorio insular L.C.M. Kerstens kende a lesa e acto di huramento y Gezaghebber Oscar Henriquez a tuma e huramento.

Caminda di Cruz na San Nicolas

SAN NICOLAS, 13 maart. - Mesos cu a tuma lugar ultimamente den iglesia San Francisco na Oranjestad, awe noch lo tuma lugar un caminda di cruz bibo representa door di muchanan di parokia di Playa bao di guia di frere Anselmus, den iglesia Santa Theresita na San Nicolas. Esaki pues ta nifica cu 14 parti di e caminda pa cruz lo worde muestra.

Siman di mission

Diadomingo venidero lo cuminsa den iglesia Santa Theresita na San Nicolas un siman di mission na ingles. Esaki lo ta bao di guia di pater Hugh Sharkey for di BG, e diadomingo ey el lo habri e siman di mission cu un predi cashi. Durante tur e misanan di e diadomingo ey lo e tene un predi cashi chikito.

F. HENRIQUEZ A FALLECE

ORANJESTAD, 13 maart. - Diarazon anochi a fallece na San Pedro hospital, un di e trahadornan di e garnador di piedra na Balashi cu algun dia pasa a hanja un accidente na bulamento di piedra cu dynamiet. Piedranan cu a los a causa heridanan serio na cabez di señor Felix Henriquez, kende diarazon anochi mas o menos sieter y mei a mueri como consecuencia di e heridanan aki. Señor Henriquez a nace dia 10 di november 1906 y tabata biba na Santa Lucia 9.

Proteccion pa hudionan

Hudionan argentino prominente lo hanja un proteccion special. Asina e minister di asuntunan interino di argentina Juan Palermo a anuncia. Manera anuncia poco ten pasa nan a salta instalacionnan hudio na Argentina.

A caba di jega for di Madeira

PRECIOSO

MACUTO DI CABANA

tur typo y tamanjo, tambe macutu pa pic nic, HAMPERS y set di stoel pa patio, baki pa corant y boeki etc.

Bin weita nan, sigur lo bo keda encantá di nan.

ACME STORE

San Nicolas

Tel. 5381



Pronto Gran Apertura



DI NOS DEPARTAMENTO
ARIBA PA DAMAS

**Specialmente pa bistir
y sapato**

completamente aire-acondicionado y ultra-moderno.


La Linda

Long John Whisky

This wonderful whisky is again available here. After patient aging and consummate blending of many of Scotland's finest malt whiskies, Long John brings delightful and regal flavour for your enjoyment.

Servicio rapido y prijs
razonable!

Pa furamento di sientu
di bo auto, tambe dak y
portanan.



RUIZ UPHOLSTERY

koningstr. 4 - tel. 2257

T A B E N D E

Un caha di orgel den
bon condicion, cu tur
e ultimo hitnan.

Acudi serca: Ale
Werleman
Cas Ariba 13B
Tel. 1867

**Barí
bashí**

Pa mata solamente Fl. 1,-
Pa informacion

E.F. DEBROT INC.

Nassaust. 98 - Tel. 1040

ENJOY TELEVISION AT ITS BEST



CASA ELECTRONICA

Cumpra bo tairanan

Continental

awor y laga nos
monta nan

GRATIS pa bo.

Tur tamanjo na existencia.

**E. & G. MARTIJN
(ARUBA) N.V.**

Havenstraat 10-12
tel. 1492 - 1493

NOBO NOBO NOBO

Nassaust. 34.

Nos a caba di habri tela lame especialmente pa bistir di anochi den tur color. Tambe jersey, den color liso y cu bunita disenjos, Dacron acrilon nobo, cu no ta machika, y masha bunita disenja. Y no luida, nos prijsnan semper ta mas abao!



Mientras cu gezaghebber en corto tabata combersando cu deputado I.S. de Cuba, secretario L.C.M. Kerstens y deputado G.A. Oduber, tocante di su ultimo biaha di cual el a caba di regresa, e yui muher di mas grandi di gezaghebber a pasa man pa e sombre di su tata, pero cual tabata un tiki grandi pe.



Violeta Stephen; antes cantante di cancionan clasica, awor di cancionan popular. Artista Dominicana di Radio y Television.

La Fama ta bai Puerto Rico

(Di Nos Redactor Deportivo)

Segun nos a worde informa e equipo femenino di volleyball di La Fama lo biaha ariba diahuebs dia 26 di luna aki pa Puerto Rico caminda nan tin intencion di hunga tres o cuatro wega. Anja pasa durante e estadia di un equipo portorikenjo cu na nos isla ya a worde planea di un viahe di un equipo di Aruba pa e isla boricenja. Cu e weekend lagopues La Fama a planea un trip. E delegacion lo consisti di mas o menos 18 persona, di cualnan ocho ta hungador. Esakinan ta Yolanda Bislick, Lies Bislick, Astrid Kock, Myrna Schwengle, Mary Kock, Greta van Aanholt, Roosje van der Linden, E damanan lo hospeda na cas di e amiganan cu nan a conoce anja pasa, mientras cu e cabayeronan di e delegacion lo keda na Y.M.C.A. Como hefe di e delegacion lo viaha Sr. Nico Weaver, miembro di directiva di La Fama, y kende ta e promotor di e viahe. Contacto a worde haci cu e federacion portorikenjo pa organisa e partidonan. Un partido cu ta sigur caba cu lo worde hunga ta contra di Lions.

Como coach di e equipo lo bai Arturo Bislick. Tambe president di La Fama y su senior lo forma parti di e delegacion mescos cu e senjora di Nico Weaver.

Esaki lo ta promer biaha cu un equipo femenino di volley ta bai hunga pafor di Antillas.

Di awor caba nos ke desea un feliz viahe na e simpatica sexta di La Fama y hopi exito.

Sto. Domingo no ta bin mas weekend

(Di Nos Redactor Deportivo)

Siman pasa directiva di Amateur Baseball Bond Aruba a anuncia cu riba dia 13, 14 y 15 maart lo tin tres partido di baseball AA contra di e equipo campeon di Sto. Domingo. Sin embargo debi na cu dialuna, loke a worde pidi door di A.B.B.A. no a bin confirmacion di e viahe, A.B.B.A. ta considera cu e Dominicano nan lo no bin mas pa e weekend aki. Den e sentido aki directiva ta considera cu e Dominicano nan lo no bin mas pa e weekend aki. Den e sentido aki di di-

rectiva di A.B.B.A. a manda cable avisandonan cu e simanaki lo no por ricibi nan mas y cu nan lo por worde ricibi riba otro fecha. Asina ta cu e weekend aki lo tin baseball internacional na lo no tin baseball internacional na nos isla.

Pa e fin di siman di pascu grandi probablemente bin un equipo di baseball for di Venezuela forma unicamente door di dokternan. Confirmacion di esaki sin embargo ta worde spera un momento pa otro. Aki nan lo hunga contra di dos equipo local.

Juv. Millionarios lo bai huez

(Di Nos Redactor Deportivo)

Diarazon directiva di Juventud Millionarios a ricibi e carta di Aruba Voetbal Bond den cual ta worde avisa cu despues di a lesa e defensa por escrito di e club ey, e directiva di A.V.B. a reconsidera e caso y a dicidi di baha e boet te na f. 150.--, cual boet lo mester worde paga promer cu dia 18 di maart 1964. Loke ta concerni e castigo condicional na a bin cambio den e punto di vista di A.V.B.

Segun declaracionnan di e advisor huridico di Juventud, J.B. Wix, di e Oficina di Abogados Mr. H.C. Willemsen, e carta ultimo aki di A.V.B. no a trece ningun satisfaccion pa Juventud. Por ehempel nada ta worde mencionada di e posicion financiero di Juventud, cu cual mester worde teni cuanto ora di impone un boet, ni tampoco ta worde alega argumentonan cu ta haci cu tog mester impone un boet, mientras cu tambe ariba e proposicion di J. Millionarios pa nombra un comision di arbitrahe no tin ningun comentario. En realidad, pues Juventud ta considera, nada a cambia, unicamente e suma di e boet. Loke segun sr. Wix ta asina extraño ta cu apesar cu Juventud ya ta exclui di e campeonta, loke ta nifica cu sea suspension of cancelacion di afiliacion a worde efectua, tog awor A.V.B. ta bin cu un rebaha di e suma di e boet.

Tumando pues na consideracion, con Juventud a acepta e carta ultimo aki di A.V.B. por worde spera cu e club lo acudi na huez tog, ya cu su proposicion di nombra un comision di arbitrahe no a worde acepta y nan no a pidi un rebaho di e boet, cual segun nan a worde poni contra di reglamentonan,

Violeta Stephen na Aruba atrobe


ORANJESTAD, 13 maart.- Desde diablerne siman pasa ta na Aruba e popular cantante di radio y television na Santo Domingo, Violeta Stephen. Violeta Stephen no ta un desconocido pa nos na Aruba. Fuera cu regularmente subio por worde scucha over di radio Santo Domingo, na anja 1955 a bishita Aruba pa di promer biaha y tambe pa di dos biaha na anja 1958. Na anja 1955 a canta entre otro den Esso Club y na Lago Heights, na anja 1958 den De Veer theater y Lago Heights.

Violeta Stephen, un artista carinioso y cu segun su palabranan tin un gran amor pa Aruba, e tin famia aki ta biba, desde cuater anja pasa a laga e estilo di canta clasico, cu cual e tabatin enorme exito na entre otro Italia y Merca, pa dedica su actuacion na canticanan popular. Violeta Stephen a cuminsa su carrera na anja 1950 ora cu el a worde descubri y a hanja un beca di estudio cu entre otro el a usa pa studia cerca e maestro Italiano Mario Ferretti. E motibo cu el a cambia di musica clasica pa popular, ta como cu a resulta cu e publica tagusta su actuacion cu canticanan popular mucho mas ainda, cu su presentacionnan clasica. Probablemente Violeta Stephen cu ta cu un luna di vacacion na Aruba lo presenta dilanti sea television of radio.

Dia 17 deadline pa basketball

(Di Nos Redactor Deportivo)

Na e clubnan di basketball di nos isla, ariba peticion di directiva di Aruba Basketball Bond, nos ke recorda cu diamars dia 17 di mrt. ta e ultimo fecha riba cual nan por haci nan inscripcion pa tuma parti den e campeonato 1964. Ariba e fecha ey tambe ta worde teni un reunion general di e bond den Wilhelmínastadion.



un
desajuno
sabroso
cla den
un frega
di wowo..
claro cu
yudanza
di
REDDY!

O.A. Bijl dia 24 venidero 25 anja den servicio

ORANJESTAD, 13 Maart. - Dia 24 di e luna aki lo ta 25 anja pasa cu dokter Oliver Anton Bijl, actualmente hefe di servicio di sanidad na Aruba, a hanja su diploma di medico na universidad di Utrecht. Segun ta worde spera y conociendo famia Bijl nos no ta kere cu e jubileo di plata aki lo pasa keto.

Dokter Bijl, kende mas o menos un mei siglo pasa a nace na Losdorp (Groningen) y pa ta mas exacto den e mes un cas caminda dominee J.A. Visser di Piedra Plat a nace, ya tin un carrera masha interesante tras di lomba. Despues di dia 24 di Maart 1960 hanja su diploma di dokter, el drenta ariba promer di Mei di e anja ey como officier di sanidad den servicio di Marina Hulandes.

Te ba e cuminsamento di guerra el a traha na Den Helder, caminda su trabao tabata den un hospitaal. Despues di a pasa den campo di prisioneronan di guerra, dokter Bijl despues di e guerra ey na Mei 1954, a bolbe bai Den Helder. Cuminsamento di 1946 el a subibordo como promer officier di sanidad ariba "Johan Maurits van Nassau", promer bapor di guerra di Marina Hulandes cu despues di segunda guerra mundial a bin Antillas. Durante algun anja e tabatin servicio na bordo di diferente di e bapornan staciona na Antillas, promer "Johan Maurits" y

despues "Van Ewijk". Y despues di tabata staciona algun tempo na terra el a bolbe Hulanda na anja 1949, caminda te na 1955 el a traha den servicio di submarinonan despues di su retiro for di servicio profesional cerca Marina, el a hanja un puesto di dokter na Savaneta, Aruba. No mucho despues el a bira hefe di servicio di sanidad, na lugar di dokter G.E. van Beek.

Senjor Bijl ta casa y tin dos yiu muher casa.

President Paz Estensoro di Bolivia aki ta duna e candidato pa vice-presidencia man, general Rene Barrietes Ortuno. H Estensoro atrobe a worde stipula como candidato pa e presidencia door di su partido Movimiento Revolucionario Nacional.



WIN YOUR EASTER BASKET

Sponsornan ariba pagina 5, en cooperacion cu "Arubaanse Courant" ta regala diesdos macuto di Pascu na nos lectores!

Simplemente jena bo number y adres den e cuponnan y manda nan pa redaccion di "Arubaanse Courant"

**12
MACUTO**

**di "PASCU
GRANDI"**



Cuponnan

ta worde

accepta

te dia

26 di Maart 1964



REGLANAN P'E CONTEST

Corta e cuponnan di "CONTEST DI PASCU GRANDI" cu ta ariba pagina 5. Jena bo number y adres ariba cada uno. Manda tur e cuponnan aki pa redaccion di „ARUBAANSE COURANT,, Nassastraat 85 Oranjestad.

Bo por manda nan pa post of entreganan na nos oficina. Cuponnan por worde entrega te cu dia 26 di maart 1964. Dia 27 di maart un jurado lo saca 12 ganador (uno pa cada sponsor) pa medio di loteria.

Ganadornan lo worde notifica den e corant aki. Nan MACUTO DI PASCU GRANDI lo worde entrega na cas diasabra 28 di maart.

Tur hende por participa Desicion di Huez ta final.

Bo no ta obliga di haci ningun compra, of haci ningun gasto. Cada familia por gana solamente UN macuto.

Empleadonan di „Arubaanse Courant,, no mag participa den e contest aki.

Number:
Adres:

Kan N.V.

Bo joyeros desde 1918



Lesá

detalles

ariba

pagina 4

yena bo

cuponnan

awor

mes y ...

Number:
Adres:

Aruba Distilling Co.

Wilhelminastr. 47 - tel. 1266

RON REY DE COPAS
mas calidad - mas premios.

Number:
Adres:

Licores Aruba N.V.

agente di: **"Amstel"**
e cerbez deportivo.

Number:
Adres:

Ragunath N.V.

joyeria
Oranjestad - San Nicolas

agente di: **MULCO**
La Marca De Confianza.

Number:
ADRES:

Titi Davelaar Corporation

Windstraat, 42 (dilanti hospital)

agente pa: **Firestone**

simbolo di calidad y servicio

Number:
Adres:

ARUBA CANDLE

Ta recorda pa spaar botter-
nan di **SUPERPINE**

Etiket berde y gana un T.V.
pa mas informacion tel. 1958

Number:
Adres:

Firma Jan C. Lacle

sta Cruz Bar - tel. 1048

agente di: **"Ron Condessa"**

e ron cu ta conquistando Aruba

Number:
Adres:

WIRCO

agente di:
GENERAL ELECTRIC
e marca di bo confianza y
garantia.



Gana un
macuto di
Pascu!

Number:
Adres:



Reddy Kilowatt
Bo servidor semper!

Number:
Adres:

Banket Bakkerij
P. Harsveld

Windstr. 40 - tel. 3322
Solamente productonan di calidad!

Number:
Adres:

La Esperanza N.V.

Oranjestad - Pos Chiquito.

E supermercado mas
potente di Aruba.

Number:
adres:

Viana Auto Supply Co. Inc.

e agencia di auto mas bieuw di Aruba



Robert Kennedy to bira candidato pa presidencia

WASHINGTON, 13 Maart. - Na Washington tabatin rumornan ta circula segun cual e relacion entre e president mericano, Johnson y Robert Kennedy, e minister mericano di husticia y rumannan di e presidente asesina, a floha.

Parce cu e presidente a sara pa motibu di e intentonan di simpatisadornan di Robert Kennedy na New Hampshire, pa pusha Kennedy dilanti den e eleccionnan adelanta di ayera, Johnson ni Kennedy te awor aki a pone nan mes candidato, pero votador por a expresa nan preferencia via di un "Write-in" door di scirbi nomber di nan favorito.

Circulonnan cu tin relacionnan estrecha cu presidente Johnson y Robert Kennedy a bisa cu e rumornan tocante undesunion entre nan dos ta infunda. Segun circulonnan bon informa Kennedy a laga Casa Blanca sa dos biaha cu e ta dispuesto pa laga stop e accion cu a wordeliba na New Hampshire, pero ambos biaha el a haya como contesta pa no haci nada.

Na ultimo momento, asina ta worde bisa, Kennedy riba supropia iniciativa a trata na stop e eleccion "Write in".

Manera ta conoci e Democraatnan na New Hampshire a duna Kennedy 14,548 voto como candidato pa vice presidencia.

Rey Pablo a worde derra

ATHENA, 13 Maart. - Rey Pablo di Grecia ayera a keda enterra den e propiedad real na Tatoi, caminda el a muri seis dia pasa.

E capelaan Griego orthodox, La Reina Frederika, princesa heredera Irene y Princesa Sophia despues a acepta den palacio e condoiencianan.

Entre e grafnan di tur e rey y reinanan Griego den e propiedad na Tatoi ta sosega tambe e restu di rey George, cu a establece e actual dinastia Griego y a wordu asesina 49 anja pasa na Saloniki.

Proceso contra bruheria

RAVENBURG, 13 Maart. - Awe a cuminsa den e lugar Ravensburg di Alemania Occidental un proceso contra di un hacido di brua di 51 anja, Herman Dreher, cu a worde e luur pa un campesino pa corre cu haciendo di



bruha y demonionan di cura di bestia, pero cu door di actuacion dje hacido di brua y sacado di demonio ta causa cu e campesino a wordu saca foi su cas.

Dreher a ehecuta varios forma pa corre cu diabel foi dje hacienda, un dje formulanan aki tabata di scirbi un formula magica riba un pida papel y laga un baca comele.

Su actuacion no a duna resultado y el a acusa e esposa di 33 anja dje campesino di ta un hacido di brua cu a maldiciona e hacienda. Foi dje momento aki e muher ta wordu trata den su propio cas como un persona expulsa.

Dr. Savoy a worde sentencia

LAUSSANE, 12 Maart. - Fiscal a exige 12 anja di prison solitario y trabao obligatorio pa e especialista di nervio na Suisa, dr. Gerard Savoy kende ta worde acusa di asesinato contra un dama patient di dje, Marjorie Winifred Bird, kende ta masha ricu.

E victima, viuda di un donjo di terrenonan di petroleo, a muri dia 21 di juli di anja 1961, den un hotel na Laussane despues di a usa muchu remedi.

Merca ta contra nivel di prijsnan den E.E.G.

BRUSELAS, 13 maart. - Ne deliberasionnan, cu miembronan dje comision dje comunidad economico Europeo tabatin simanpasa na Washington tocante e deliberasionnan tocante rebaho di derechonan mutuo di douana di fuente mericano nan tabata contra e nivel altu di prijs pa productonan agraria den EEG.

Asina e comision Europeo a participa den un consejo ministerial di EEG na Bruselas caminda nan a duna un rapport dje deliberacion na Merca.

E deliberasionnan tocante productionnan agraria a worde trese dilanti pa e secretario Ulandes di estado di asuntunan exterior, mr. Block, cu a declara den consejo ministerial di EEG cu tabatin diferencia den declarasionnan cu a ser haci despues dje deliberasionnan na Washington di fuente Mericano dje comision Europeo.

Ne deliberasionnan dje ronde Kennedy, e minister Frances di finanzas, Giscard de D'estaing a bisa, cu ta necesario presencia

dje ministernan, ne conferencia na Ginebra tocante "Buelta Kennedy", si un acuerdo ta den bista. Di otro manera, e seis paisnan di EEG, no meste duna e impresion cu nan no ta pone hopi interes ne conferencia cu ne conferencia pa comercio mundial cu lo cuminsa dia 23 di maart proximo na Ginebra, bao di auspicio di Nacionnan Uni. El a propone di tuma na april un desicion acerca dje kestion aki.

Castristanan na Argentina

BUENOS AIRES, 12 Maart. - Gobierno Argentino a ordena polis y gendarmeria, pa actua mas energica contra guerilleonan pro Castro, cu ta activo den e parti Noord di e pais den e provincianan Cordoba, pero poco tempu pasa dos persona importante, un abogado y un notario a worde arresta na SALTA.

Den diferente parti di e pais

Un multitud entusiasma tabata reuni na aeropuerto di Hato pa presencia e regreso di ministro C. D. Kroon y señor S. G.M. Rozendal for di Hulanda. Minister-president E. Jonckheer tabata presente pa saluda nan. Aki un bista di e caluroso bonbini na Hato.

hopi material a worde cohe den beslag, entre cual Radio emisoranan portatil cu alcance grandi, y carabina di fabricanan Belgo.

Parce cu e rebeldenan ta dispone riba avionnan chiqui di sport pa nan movimentunan clandestino. E ministerio Argentino di interior a splica tambe, cue organisacion Castrista-Comunista na Argentina ta forma parti di un movimiento internacional.




Trabao di e organisacion ta consisti principalmente di propaganda entre hubentud.

Mal tempu na Merca

Ayera llovidanan duru, orcan, sneeuw y hagel a azota e parti oriental di occidental di Merca, causando por lo menos 13 morto. Inundacionnan a causa hopi danjo.

Aki por mira ministro Petronia, ministro Kroon y diputado Tromp huntu cu e obreronan Antillano cu actualmente ta traha na Bronswerk na Amersfoort. Manera anuncia e ministronan a bshita e obreronan durante nan estadia na Hulanda.





Trud ta acusa Israelito

MOSCU, 12 maart - E organo dje movimentu sindicalista ruso, "Trud" awe a acusa un conseho di embahada dje embahada israelita, di a reparti lectura politico den un synagoga na Moscu y di ta colecciona mentira tocante situacionnan berdadero na Rusia.

E conseho di embahada israelita a dunu su lectura encambio a informacionnan berdadero tocante posicion di hudionan na Rusia.

Tambe e corant ta acusa diplomatican Israelita di ta haci uso di nan casa y yunan na re-artimentu di e lectura nacionalista, zionista cu ta hopi biaha anti ruso.

El fuente dje embahada israelita nan a contradeci e suposicionnan aki.

Victoria pa Henry Cabot Lodge

CONCORD, 12 Maart. - Ne e-eccionnan provisional pe candidatura republicano pa presidencia mericano, e embahador di Vietnam del Sur, Henry Cabot Lodge, a obtene victoria.

El resultadonan di 289 dje 302 finnanan di eleccion ta conoci.

Henry Cabot Lodge a hanja 0.863 voto mientras cu ta si-

gulele senador Barry Goldwater cu 21.174. Despues ta sigui respectivamente gobernador Rockefeller, cu 18.807, ex vice presiden Nixon cu 15.101, senjora Margaret Smith cu 1.733 y Harold Tassen cu 1.251 voto.

Embahador Cabot Lodge a bisa cu ta un gran honor y un complimiente cu e a obtene e victoria na New Hampshire.

Demostracion na Madrid

MADRID, 12 maart - Awe noch tabatin un bringamentu den e capital Spania Madrid, entre polis y seis mil obrero den corridor di e edificio di federacion di trabao. E bentanan di e edificio cu ta situa enfrente di Prado museo, a worde quibra cu botter.

Polis a plama e demostrantenan, cu tabata di opinion, cu e congreso di federacionnan di trabao cu tabata worde tene den e edificio, no tabata worde presencia pa berdadero obreronan.

Segun e demostrantenan e obreronan di Madrid ta existi un sueldo minimo di 150 peseta pa dia, derecho di welga y libertad pa forma federacionnan di trabao.

Di fuente bon na altura a worde informa, cu e demostrantenan pa mayor parti ta pertenece na un federacion cu ta consisti di miembronan comunista y catolico.

Posterijen di Hulanda tambe e anja aki a saca e tal stampillanan di verano, e biaha aki dedica na e relacionan entre ser humano y animalnan. Aki tin cuater diferente ehemplar di e serie.

Cumpleanos

Dia 12 di Maart a cumpli anja hobencito Theo Wolff, felicitacion ta bini di su tata Serapio, mama Juanita, rumanan Tina, Rosa, Ita, Catrien, Jopi, Jantji, Rietji, Adi, tanta y omonan, madrina Petra Farro, padrino Remigio Frank y demas famia Wolff, Tromp, Werleman.

Dia 12 di Maart a cumpli anja Señorita Enora George, felicitacion ta bini di su mama Aura, tata Renard, 4 rumanan y di famia Werleman y Dirksz.

Awe dia 13 di Maart ta celebra su feliz cumpleaños e caballero Cristobal Kock, felicitacion ta bini di parti di su mama, tata, tur su rumanan, amiga y amigonan, y muy especialmente di Nieuweweg Fan Club.

RADIO CARACAS TELEVISION

- 8.45 Senderos de luz
- 9.00 Cajas con sorpresas
- 9.30 Jardin de infancia
- 10.00 Documentales
- 10.30 Cosas de mujeres
- 11.15 Quien es quien en T.V.
- 11.45 Novela
- 12.00 Show de Saume
- 13.00 Noticias
- 13.05 Cont. Show de Saume
- 13.15 Se necesita una amiga
- 13.35 Novela
- 13.50 Yo se lo vendo
- 14.20 Punto y aparte
- 14.45 Estudio Hector Monte-verde
- 15.15 Perfecta ama de casa
- 15.45 Aventuras de Popeye y Yeyo
- 16.15 Mejias y sus muchachos
- 16.45 Busque su marca
- 17.15 Comedy Capers
- 17.45 Noticias
- 17.50 Papa lo sabe todo
- 18.30 Extraño mundo del Pantano
- 19.00 Revolver a la orden
- 19.30 Nuestra Peggy
- 20.00 El Observador
- 20.15 Novela
- 20.30 Craneoteca de los genios
- 21.00 Pánico
- 21.30 Las enfermeras
- 22.30 Noticias
- 22.35 Cine para todos

Awe dia 13 di Maart ta cumpli anja hobencito Rolando de Cuba, felicitacion ta bini di su tata Ermando de Cuba, mama Tida, 4 rumanan, wela Irena de Cuba, Osana Henriquez, omo y tantanan, dos padrinnan, especialmente di su madrina Tina v/d Linden, amigoe Edwin v/d Linden, y demas famia de Cuba y Henriquez.

Awe dia 13 di Maart ta cumpli 1 anja hobencito Cherijl Vivian Wernet, felicitacion ta bini di su mama Bertha, rumanan Simona, Marcolina, Flora, Linda, Jozefita, Ina, Rosa, Filomena, wela Catrien welo Herchie, tanta Julieta, Maria Chana, omo Nicolaas, Arcadio, Nico, primo y primanan, especialmente di padrino Rigleno Croës, madrina Francisca Werleman y demas famia Wernet, Franken, Angela.

Dia 12 di Maart a cumpli anja Grace Zara, felicitacion ta bini di su tata Duntji, mama Josefa, rumanan Gloria, Latha, Johnany, Karel, Robby y Ernesto, padrino Archi Martes, madrina Linda Kusmus, especialmente di su wela stima Evarista Maria.

AGENDA

ARUBAANSE COURANT

diariamente cu excepcion di diadomingo
subscripcion f. 3.25 pa luna
edicion los 20 ct.

edita pa:

N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.

imprimi na:

N.V. DRUKKERIJ
„DE STAD,”

Telefoon 1116 Directiva y redac-
cion, 2116 Anuncio y subscrip-
cion.

Directeur hoofdredacteur:
D. Wolff.

POR CUMPRAR ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

TELEARUBA

- 5.30 Children hour
- 6.00 NTS journaal
- 6.15 Robin Hood
- 6.45 Nieuwsberichten
- 7.00 Gunsmoke
- 7.30 Sportnieuws
- 7.45 Colonel Flack
- 8.15 Highway Patrol
- 8.45 Nieuwsberichten
- 9.00 Perry Mason
- 10.00 Big story
- 10.30 Sign off.

WIT-GELE KRUIS

Oranjestad: Zr. Ewolda
San Nicolas: Zr. Perpetua
Santa Cruz: Zr. Ludovic

CINE

De Veer: 8.30 p.m. "Strijd om
de gele rivier" 18 j
Rialto: 8.00 p.m. "The Stripper" 18 j

Aurora: 7.00 p.m. "El Jinete
Negro" all

Savaneta: 8.00 p.m. "Virgin Is-
land" all

AMARGA EXPERIENCIA

Novela pa

Pancho Papa la Poncha Pi

No. 20.

Papa, papa, a un bunita popchi cu tanta... traha pa mi. Etel a corre b... serca su tata, mostrando e popchi. Pero e wowonan di su tata no tabata brilla, ora cu el a mira Ina, kende ta jectando poco poco serca. El a capta Etel su cabeynan, y a mira... Bunita, Etel. Asombrá Etel keda mirele, y despues el a... a su pia di carson, pasobra... ta haya cu su tata no ta pone mucho atencion na e popchi. "Pero papa, bo no a waak e popchi?" "Gilbert a zak banda di su... y despues el a keda mira Ina cu un cara tristo. "Ina, si bo no... or stimami, bo kier casa cu mi, maske ta pa Etel?" Ina a sacudi su cabez. "Minopor Gilbert, mi... o por hacié. Bo merecé algo... as cu compasion, bo mester a... berdadero." "Y si mi ta sa... sfocho cu loke bo por dunami... na?" Gilbert a puntra cu un tiki peranza alda. Ina a keda keto... ta mira su dilanti, su wowonan... abata dof. "Awe kizas bo lo ke-

da satisfecho y mayan tambe. Pero despues, lo bo plega e ora cu bo a casa cu mi. No Gilbert, nos mester usa nos cabez. Kizas un dia lo bo gradicimi pa algo, cu bo no por comprende awor. Poco poco Ina a bira y a bai bek, y Gilbert a keda mirele cu su mokenanan duro serra. Ora cu Ina a dreña den sala, el a keda para un rato, y despues el kier a bay bek, pasobra net e ora tabata tin bishita den sala. E ganadero a hari y a duné un senjal pa jega serca. "Dreña numa, Sra. Ina, mi prima no ta morde." Ina a baha su cabez y a cuminda e Señora, kende a keda mirele largo. "Bon dia," e señora a contesta despues, y despues el a bolbe sigui papia cu e ganadero. "Mi tingana di mira bo nieta atrobe. E mester a bira grandi awor no?" e Sra. a puntra. E ganadero a hari cu orgullo, y el a keda mira Ina, kende ta sinti keto y mesora a coy su Handwerk y a cuminda cosé. "Si ya mi a tende esey caba,

e Sra. a contesta indiferente. A trobe el a keda mira e ganadero y despues Ina, kende ta sinti junto cu nan na mesa, manera cu é tambe ta nan famia. Gertruda a cuminda sinti rabia, pasobra el a bini cu plan grandi akinan. Y mes ora e por a mira cu e ganadero bjeuw ta gusta Ina masha hopi, siendo cu Ina por tabata su jiu muhé. Gilbert! Aha kizas e por purba algo cu né. Si e por trece Gilbert den relacion cu Ina, lo ta bon, pasobra e ora e caminda lo keda liber, pa asina e join e ganadero bjeuw. Cu un cara contento, bon traha, el a dirigi su mes na Ina, kende a keda sorprendá di mira con contento, bon traha, el a dirigi su mes na Ina, kende a keda sorprendá di mira con contento Gertruda ta bin papia cuné. Bon no ta di akibanda no, Sra. Bergen?" "No," Ina a contesta calino. "Tabata casualidad cu bo a bini akinan net ora cu e cas tabata na candela?" "Si, mi tabata keiro un poco, ora cu di riemente mi a mira e candela." "Y bo no tabata tin miedo di dreña den e cas cu tabata kimando?" "Involuntariamente e voz di Gertruda a haya un admiracion. Ina a pone su Handwerk un banda, y su pensamentonan a bay bek na e dia anochi cu e cas tabata na candela. "No", el a bisa despues, manera hende cu ta papando cu su mes, "No, mi no tabata tin miedo

y ademá ki importancia mi bida tabata tin?" El a bolbe coy su Handwerk y a sigui cosé. Sra. Gertruda a keda mirele di banda y despues el a dirigi su mes na e ganadero, mientras e ta sacudi su cabez. "Mi no sa..., amitampoco no ta hende miedosa, pero pa mi dreña den un cas cu ta kimando... mi ta kere cu ta den fierno mi lo ta, y cu nan ta hasimi bibo." "Ta kiko candela di fierno por ta en comparacion cu fierno den bo alma? Ina a puntra poco poco. Papromé bialha e ganadero ta puntra su mes, ta cua ta e secreto y ora el a mira kende e bishitante ta, su cara a bira poco desagradable. "Takiko a trecebo akinan, tanta Gertruda?" el a puntra seco. Gilbert no tabata gusta Gertruda. E tabata un muhé indifrente y masha egoista, y Gertruda sa tambe cu Gilbert no ta gusté. Pero e bialha aki el a keda masha cortés, pasobra e mester hunga bon comedia pa e plan cu e tin. "Mi tabata tin gana di bin bishita bosonan, Gilbert y principalmente mi kier a mira bo yiu. Su destino lo tabata terrible, si Sra. Bergen no tabata asina balente. Bo mester gradiciele hopi Gilbert!" Gilbert su cara a bira palido y su wowonan tabata brilla di rabia. "Ami lo sa, cuanto mi mester gradicie, tanta Gertruda", el a contesta, tratando pa domina su mes un poco, mientras cu el a coy un stoel

y a bin sinti banda di Ina. "Ta necesario pa bo cosé e saya kibra ey Ina?", el a puntra serio. Ina a drey weyté cu un sonrisa riba su cara. "Pero e no ta hopi kibrá", Ina a bisa. "Y ademá lo ta picá pa benté afó. Pasobra si bo mester benta tur panja cu Etel kibra, anto e ora ey lo bo bira pronto un hombre pover. Pasobra Etel ta mescos cu un mucha hombre." "Pero toch e no ta un mucha hombre, y akinan mester di un yiu hombre", tanta Gertruda a corre bisa. "Bo mester casa di nobo, Gilbert. Bo ta un hombre cu bon tipo, joven, y mi no ta kere cu lo costabo hopi trabao pa haya un mucha muhé bunita y balente cu por dunabo un heredero." "Masha danki, tanta Gertruda," Gilbert a bisa cu bofon. "Naturalmente cu abo mester sa esey. Y kizas bo conocé un pa mi, y tambe bo por bisami tur su vetajanani!" Gertruda a cuminda hari forzá. "Mi ta supone cu bo ta basta hombre pa busca un bo mes Gilbert, nos no tin mester di conseho di un muhé", e ganadero bjeuw a corre remarca. Sorpresá Ina a keda miré. Nunca el a tende e ganadero papia asina. Y su wowonan tabata avisé, cu tin algo ta bay pasa. Ina drey mira Gertruda, kende ainda ta hariendo. Mesora... el a ripara e intencion di Gertruda. (E ta sigui)

RIP KIRBY

pa cortesia di:

JAN BODEGOM, & CO (ARUBA) N.V.Agente exclusivo di **FRIESCHE VLAG**


lechi evaporado y lechi en polvo

MAXWELL HOUSE KOFFIE.**CISCO KID**

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



**BUCHI ROBEZ**

Pa cortesia di:

REFRESQUERIA INGRID

tel: 1849

E mihor adres pa snacks, tur clase di dushi, softdrinks, ice-cream y revistas.

**PEPITA**

with compliments of

OFICINA MARITIMA DE ARUBA

DOCUMENTATION & TRANSPORTATION

FOR INCOMING, LOCAL & OUTGOING CARGOES BY AIR, SEA AND LAND

**DICK TRACY****Horoscopo personal**

ARIES 21 maart.-20 april

Scucha loke partnernan y con- seheronan tin di bisa awe. Na opinion por ta corecto y di gran importancia. Mas anochi sosiego y kietud lo ta bon pabo.

TAURUS 21 april-21 mei

Ariba tereno comercial tur cos ta muestra mihor; Bo por hanja reconocimiento pa bon trabao, personanan mas bieuw y bo superiornan por muestra satisfaccion. Bishita amigo y conocirnan.

GEMINI 22 mei-21 juni

Awe lo bo tin un calculacion mas exacto y awor bo por turna desicionnan mas mihor cuayera. Otronan casi sigur lo bin cu un bon plan of proposicion. Bo por spera, noticia, cartanan y informacionnan awe.

CANCER 22 juni-23 juli

E dia aki lo ta yendi actividadnan y deliberacionnan cu lo duna fruta despues. Anochi por trece noticia of informacionnan agradable.

LEO 24 juli-23 agosto

Awe tambe ta un dia cu edeseonan di bo curazon ta bao di un aspecto favorable. Awe probablemente lo bo hanja diferente cuentanan pa paga.

VIRGO 24 agosto-23 september

Un dia favorable pa bo e yega na un acomprendimento entre abo y bo coleganan of hefenan directo. Bon servicionan lo worde recompensa.

LIBRA 24 september-23 oktober

Esaki mester por bira un dia gradabel y favorable. Botin oportunidad grandi pa realisa deseanan priva, tambe ariba tereno romantico. Anochi ta muestra bo pa contact cu otro, pero preferidamente ta den cas.

SCORPIO 24 okt.-22 nov.

Si bo tin cierto caso pa regla of drecha, hacie awe mes ainda. Favorable pa diverticion, romance y asuntunan cu personanan stima.

SAGITARIUS 23 nov. - 21 dec.

Oranan di mainta di e dia aki ta bon pa mehora relacionnan actual, sea comercial of personal. Tambe pa biahnan cortico of bishita. Anochi ta mihor pa bo ke da cas.

CAPRICORNIUS 22 dec.-20 jan.

Bo por tin probecho si bo trece cambianan na tempo. Tambe bo entrada por mehora door di esaki. Esfuerzo pa hanja poco placu por tin exito.

AQUARIUS 21 jan-19 febr.

Un dia di desaroyonan favorable na bo cas y na trabao. Otronan lo scucha cu gusto na bo plannan y ideanan. Merdia por tin ganashi. Anochi ta priminti exito ariba tereno di divertico of amor.

PISCES 20 febr. - 20 maart.

Mas anochi lo bo hanja resolucion pa problemanan actual. Lo bo por tin influencia riba otro nan awe. Personanan di otro sexo por tenebo ocupa.